

第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿
妙覺-普光明殿



三. 十行 - 夜摩天宮

佛昇夜摩天宮自在品

夜摩天宮菩薩說偈品

功德華聚菩薩十行品

十無盡藏品



華嚴經夜摩天宮菩薩說偈品之十方菩薩偈讚之一

十慧世界	爾時，十方各過十萬佛剎塵數世界，有世界名無量慧、次名幢慧、次名地慧、次名勝慧、次名燈慧、次名金剛慧、次名安樂慧、次名日慧、次名清淨慧、次名梵慧。
十眼佛果	其佛號常住眼、次號無量眼、次號真實眼、次號不動眼、次號天眼、次號清淨眼、次號安諦眼、次號明相眼、次號無上眼、次號淨光澤眼。
十林菩薩	其菩薩名功德林、次名慧林、次名勝林、次名無畏林、次名慚愧林、次名精進林、次名力成就林、次名堅固林、次名如來林、次名智林。
	此諸菩薩各於其國佛所淨修梵行。（此十方菩薩所從來，結構見附20-1）
十方同化	爾時，佛神力故，彼諸菩薩各與一佛世界塵數菩薩來詣佛所，恭敬禮拜。佛神力故，隨所來方化作寶藏師子之座，結跏趺坐，充滿十方。 如此世界夜摩天上菩薩雲集，十方世界亦復如是。
足上放光	爾時，世尊從兩足指放百千億妙色光明，普照十方一切世界、諸四天下、菩提樹下夜摩天宮蓮華藏寶師子座，如來神力及諸大會，皆悉顯現。（十方菩薩說偈，所說偈讚皆從根本智十波羅蜜而來）
東方——大圓鏡智 功德林菩薩	爾時，功德林菩薩承佛神力，普觀十方，以偈頌曰：
	十住 普放淨光明，遍照十方界，一切悉觀佛，通達無障礙。
	佛 佛處夜摩宮，蓮華寶座上，一切諸世間，奇特未曾有。
	法 讚歎十如來，眾生皆悉聞，世尊大眾會，一切無不見。
	僧 普於十方界，演說無上法，亦悉同名字，如我菩薩眾，
	精進 各從十方界，來詣於此處，彼諸上人等，清淨修梵行。
	禪定 彼諸如來等，亦各同名號，見佛清淨剎，自在神通力。
	般若 一切見如來，人中或道場，又復見世尊，處此夜摩宮，
	方便 一切諸世間，莫能思議佛，隨彼眾生願，一切皆悉見。
	願 眾生見如來，無量自在力，離世大仙人，功德藏無量。
	力 遊行十方界，一切無障礙，一身為無量，無量身為一。
	智 功德甚深妙，一切莫能測，無著無所依，清淨如虛空。
南方——平等性智 慧林菩薩	爾時，慧林菩薩承佛神力，普觀十方，以偈頌曰：
	佛 不可思議劫，天人師難值，離垢諸大人，此會亦難遇。
	法 悉皆一切智，慧光靡不照，演說深妙法，饒益於眾生。
	僧 一切諸世間，常為癡冥蔽，如來世燈明，皆悉能除滅。
	精進 施戒忍精進，禪定三昧藏，修習深妙智，普照於一切。
	禪定 如來無與等，何況有勝者？顛倒取諸法，是故不見佛。
	般若 自在神通力，無量難思議，無來亦無去，說法度眾生。
	方便 若有得聞見，清淨天人師，永出諸惡道，遠離一切苦。
	願 無量無數劫，修習求菩提，逮成正覺，廣度諸群生。
	力 不可思議劫，供養無量佛，若能解是義，功德勝於彼。
	智 雖施無量剎，滿中諸珍寶，不能解此義，終不成正覺。

華嚴經夜摩天宮菩薩說偈品之十方菩薩偈讚之二

西方——妙觀察智 勝林菩薩		爾時，勝林菩薩承佛神力，普觀十方，以偈頌曰：
	佛	猶如春後月，虛空無雲暄，日曜清淨光，一切無不照。
	法	光明無限量，世間無能數，有眼尚不知，何況盲冥者？
	僧	如來亦如是，功德光無量，無量無數劫，莫能分別知。
	精進	光明無來處，去亦無所至，不生亦不滅，空寂無所有。
	禪定	未來一切法，悉無有來者，無生無現在，是故無過去。
	般若	一切法無生，亦復無有滅，若能如是解，斯人觀如來。
	方便	諸法無生故，當知無所有，如是分別知，此人達深義。
	願	諸法無自性，一切無能知，若能如是解，是則無所解。
	力	所言有生者，當知由所生，解彼真實性，是則無疑惑。
	智	一切諸所生，正觀亦如是，菩薩如是觀，具足一切智。
北方——成所作智 無畏林菩薩		爾時，無畏林菩薩承佛神力，普觀十方，以偈頌曰：
	佛	此處無邊際，廣大如法界，一切無不至，湛然不遷變。
	法	若聞如是法，恭敬信樂者，永離三惡道，一切諸難苦。
	僧	往詣諸世界，無量不可數，聞此甚深法，憶念善受持。
	精進	聞受大仙人，清淨深妙法，一向求菩提，究竟無上道。
	禪定	深信過去佛，及彼諸佛法，一切世間燈，除滅眾癡闇。
	般若	若有得聞佛，無量自在力，決定信向者，具足人中雄。
	方便	若能一心信，現在一切佛，彼成等正覺，開示無量義。
	願	無量無數劫，此法甚難值，若有得聞者，當知本願力。
	力	如是佛深法，悉能善受持，廣為眾生說，是人難思議。
	智	是故勤精進，修行大莊嚴，聞持是正法，究竟得菩提。
東方——彌勒法相智 慚愧林菩薩		爾時，慚愧林菩薩承佛神力，普觀十方，以偈頌曰：
	佛	得聞真諦法，殊特未曾有，歡喜信樂者，除滅眾疑惑。
	法	一切知見人，自說深妙法，佛慧靡不照，是故難思議。
	僧	非從智慧生，亦非無智生，了達一切法，除滅世間闇。
	精進	色法非色法，此二不為一，愚智亦如是，其性各別異。
	禪定	生死及涅槃，此二悉虛妄，愚智亦如是，二俱無真實。
	般若	世界始成立，無有敗壞相，愚智亦如是，二俱相乖違。
	方便	菩薩初發心，及以最後心，愚智亦如是，二俱不相應。
	願	譬如六情識，迭用互不同，愚智亦如是，究竟不和合。
	力	譬如伽陀藥，消滅一切毒，智慧亦如是，除滅諸癡闇。
	智	法王無上尊，是勝莫能過，所說皆真實，以故難值遇。

華嚴經夜摩天宮菩薩說偈品之十方菩薩偈讚之三

東南方—— 精進林菩薩	普賢法界智		爾時，精進林菩薩承佛神力，普觀十方，以偈頌曰：
		佛	諸法無差別，唯佛分別知，一切無不達，智慧到彼岸。
		法	如金及金色，其性無差別，如是法非法，其性無有異。
		僧	眾生非眾生，二俱無真實，如是法非法，其性無所有。
		精進	譬如未來世，無有過去相，一切法如是，無有真實相。
		禪定	譬如過去法，無有生起相，諸法亦如是，皆悉無有相。
		般若	涅槃不可取，說時有二種，諸法亦如是，無有差別相。
		方便	譬如種種數，皆悉是數法，諸法亦如是，其性無別異。
		願	譬如數法十，增一至無量，皆悉是本數，智慧故差別。
		力智	譬如諸世界，劫燒有終敗，虛空無損減，無師智亦然。 十方空無異，眾生起分別，如是取如來，虛妄不見佛。
西南方—— 力成就林菩薩	文殊應用智		爾時，力成就林菩薩承佛神力，普觀十方，以偈頌曰：
		佛	一切眾生類，悉皆三世攝，三世諸眾生，皆為五陰攝。
		法	五陰從業起，諸業因心起，心法猶如幻，眾生亦如是。
		僧	世間非自作，亦復非他作，不知真實性，生死輪常轉。
		精進	所謂世間轉，皆悉是苦轉，眾生不知故，生死輪常轉。
		禪定	世間非世間，二俱非真實，眾生愚癡故，妄取諸法相。
		般若	三世五陰法，說名為世間，斯由虛妄有，無則出世間。
		方便	何等是五陰，五陰有何相，不見五陰壞，妄取謂常住。
		願	五陰虛妄法，真實無所有，空寂不遷變，究竟離眾相。
		力智	世間既虛寂，佛及法亦然，斯等三種法，其性無所有。 除滅諸顛倒，明了見真實，一切知見人，常現在其前。
西北方—— 堅固林菩薩	觀音方便智		爾時，堅固林菩薩承佛神力，普觀十方，以偈頌曰：
		佛	譬如地種性，自性無所有，一切佛自在，其性亦如是。
		法	一切諸世間，咸共稱讚佛，求彼稱讚法，十方無來處。
		僧	眾生虛妄取，謂之為真實，分別離眾生，業性不可得。
		精進	業性無所有，眾生身非真，種種無量色，亦復無來處。
		禪定	一切諸形色，業性難思議，雖見無所有，識性亦如是。
		般若	諸佛身如是，不可得思議，無量妙色身，普現一切刹。
		方便	無量身非佛，佛非無量身，清淨妙法身，究竟度彼岸。
		願	若有能得見，清淨妙法身，是人於佛法，其心無癡惑。
		力智	過去一切法，觀察等涅槃，彼人見如來，究竟常安住。 修習正憶念，明了見正覺，無相無所有，是名法王子。

華嚴經夜摩天宮菩薩說偈品之十方菩薩偈讚之四

如來林菩薩	爾時，如來林菩薩承佛神力，普觀十方，以偈頌曰：	
	佛	譬如工畫師，分布諸彩色，虛妄取異色，四大無差別。
	法	四大非彩色，彩色非四大，不離四大體，而別有彩色。
	僧	心非彩畫色，彩畫色非心，離心無畫色，離畫色無心。
	精進	彼心不常住，無量難思議，顯現一切色，各各不相知。
	禪定	猶如工畫師，不能知畫心，當知一切法，其性亦如是。
	般若	心如工畫師，畫種種五陰，一切世界中，無法而不造。
	方便	如心佛亦爾，如佛眾生然，心佛及眾生，是三無差別。
	願	諸佛悉了知，一切從心轉，若能如是解，彼人見真佛。
	力	心亦非是身，身亦非是心，作一切佛事，自在未曾有。
智林菩薩	爾時，智林菩薩承佛神力，普觀十方，以偈頌曰：	
	佛	所取不可取，所見不可見，所聞不可聞，所思不可思。
	法	於有量無量，不應作限量，有量及無量，二俱無所取。
	僧	不應說而說，是為自欺誑，已事不成就，不能悅眾生。
	精進	若有能讚歎，無量諸如來，不可思議劫，功德不可盡。
	禪定	猶如隨意珠，能現無量色，此色非真色，諸佛亦如是。
	般若	如虛空清淨，非色不可見，能現一切色，其性不可見。
	方便	如是大智人，示現無量色，非識之所識，一切莫能觀。
	願	雖聞如來聲，音聲非如來，離聲復不知，如來等正覺。
	力	是處甚深妙，若能分別知，莊嚴無上道，遠離諸虛妄。
智林菩薩	智	一切諸如來，無有說佛法，隨其所應化，而為演說法。

附20-1：華嚴經夜摩天宮菩薩說偈品十方世界會集眾上首菩薩

		上 - 法界智			
		世界	梵慧世界		
		佛號	淨光澤眼佛		
		菩薩	智林菩薩		
		寶座	寶藏師子座		
西北 - 觀音方便智		北 - 成所作智		東北 - 彌勒法相智	
世界	日慧世界	世界	勝慧世界	世界	燈慧世界
佛號	明相眼佛	佛號	不動眼佛	佛號	天眼佛
菩薩	堅固林菩薩	菩薩	無畏林菩薩	菩薩	慚愧林菩薩
寶座	寶藏師子座	寶座	寶藏師子座	寶座	寶藏師子座
西 - 妙觀察智		中 - 自性本體		東 - 大圓鏡智	
世界	地慧世界	世界	娑婆世界	世界	無量世界
佛號	真實眼佛	佛號	毘盧遮那佛	佛號	常住眼佛
菩薩	勝林菩薩	會處	夜摩天宮寶莊嚴殿	菩薩	功德林菩薩
寶座	寶藏師子座	寶座	蓮華藏寶師子座	寶座	寶藏師子座
西南 - 文殊應用智		南 - 平等性智		東南 - 普賢法界智	
世界	安樂慧世界	世界	幢慧世界	世界	金剛慧世界
佛號	安諦眼佛	佛號	無量眼佛	佛號	清淨眼佛
菩薩	力成就林菩薩	菩薩	慧林菩薩	菩薩	精進林菩薩
寶座	寶藏師子座	寶座	寶藏師子座	寶座	寶藏師子座
		下 - 法性智			
		世界	清淨慧世界		
		佛號	最上眼佛		
		菩薩	如來林菩薩		
		寶座	寶藏師子座		

(返回第132頁)

*此十方眾上首菩薩說偈讚佛者，表十方信成就，及此十行法於四天下十方之相應成就。